

July
2018



KRISTIAN THALAI



Vol. IX No. 5

Kristian Thalai Pawl Chanchinbu thla tin chhuak

CHHEMDAM / **HRINGLANG TLANG** / **KANTU** / **WORK CAMP REPORT**

Page 29

Page 28

Page 26

Page 19

HRUAITUTE CHANCHIN / **REPORT** / **EDITORIAL** / **KEIMAHNI**

Page 17

Page 21


Page 2

Page 30

THALAITHE HNENA THURAWN

UPA C. NGURTHANTLUANGA

COMMENT/FEEDBACK

@9774196355 

“

NGAIHDAN :

Mizoram Synod Choir

”

100% JESUS

NEYMAR

KA SUANGTUAHNA

KTP - F. VANLALROCHANA

Bible Study

Pastor Bena

INKHEL EN LEH HLA ZIR!

Lalnghinglova Hmar (Tetea)



CKTP Orientation cum Retreat



NEICCYA Silver Jubilee lawmna @Umpling Presbyterian Church



N. Hlimen Bial @ Cachar Kahrawt Bial

Kristian Ṭhalai Pawl chanchinbu thla tin chhuak

1970-a chhuah ṭan ■ Kum 41-naa vawi 7-na ■ Chhuah tawh zat : 477

Editor :

Robert Lalduhzuala

Joint Editors:C. Malsawmtluanga
Lalsiammawia Pachuau
Lalrinchhana Ralte
K.Lalchhanhima**Manager :**

Lalmuanpuia

A lak man :Kum khatah - Rs. 80.00
Copy khat - Rs. 7.00

*Thu chhuah tūr nei chuan Editor,
Kristian Ṭhalai, Synod Office-ah thawn
tūr a ni a; a la duh chuan KṬP Office-ah a
man pèk lāwk a ngai.*

Office Phone : 9436142398**E-Mail :**

kristianthalai1970@gmail.com
centralktp@gmail.com

KRISTIAN ṬHALAI PAWL**Thupui**

Rawngbawl tūra chhandam

Thupui inngahna

Ephesi 2:10. Thil ṭha ti atán
Krista Isuaah chuan siama awmin,
ama kutchhuak kan ni si a, chu thil
ṭha tih chu kan awmna tūrin
Pathianin a buatsaih lāwk a ni.

Thiltumte

1. Isua Krista rinna leh amah anna kawnga ṭhalaite hruai.
2. Kohhran kutke ni tura ṭhalaite buatsaih.
3. Kohhran hnathawh tihpuitlin.
4. Krista Chanchin Ṭha puan darh.

A CHHUNGA THU AWM

1. Editorial	2
2. Ṭhalaite hnena thurawn	3
3. Mizoram Synod Choir (2018-2020)	6
4. Inkhel en leh hla zir!	7
5. 100% Jesus : Neymar	10
6. Bible Study	12
7. Presbyterian Choir, Lunglei	14
8. Ka suangtuahnaa KṬP	15
9. Hruaitute chanchin : Ricky Lalammawia Ralte	17
10. Work Camp report : N. Hlimen Bial	19
11. Report : NEICCYA Silver Jubilee	21
12. Ngaih dan : Mizoram Synod Choir	24
13. Kantu : Chhingchhip Venghlun	26
14. Hringlang tlang : Mi huaisen kutzungṭang	28
15. Chhemdam	29
16. Keimahni	30



K. 7. P.

Tihelna tawngkam chu tihsak bik chiah lo mah ila, 'mi fel rual awom khawm' tia KṚP-te an sawi ṭhinna tawngkam hian KṚP member-te hi mi famkim

lo leh khawngaihna avanga mi sual chhandam, ni tin Isua tan rinawma inpe ve mai zawk kan nihzia min hriat chhuahtirin min fuih thar thin zawk si. Heti zawng hian i'n thlir zui teh ang.

KṚP huang chhungah zu hi a leng kan ti lo va; mahse, zu ngawl vei, zu bawih ata chhuah duhte hi an leng thung a. Drug leh ruihhlo dangte hi KṚP-ah a leng kan ti lo, ngawl vei kan tih, sual bumna hnuaiia tang mek kan unaute hi KṚP huang chhungah hian an leng a, an tan kawng khar a ni ngai lo ve. AIDS darh zau zel tur hi kan duh lo va, kan do. Chutih rual erawh chuan heng natna veite hi kohhran leh KṚP neitute zinga mi an ni a, inlungual taka hrui khat vuanin Lal rawng kan bawol za ṭhin.

Zu i in zeuh zeuh em? Lo kal rawh. Drug avangin i buai em? A pawl lo, lo kal rawh. Mipat hmeichhiatna kawngah i lo dai pelh thin em? Lo kal tho rawh. Sual avanga hliam tuarin, indawm kunin i rilru a hliam em? Chung avang tak chuan KṚP lamah hian lo kal rawh. LAL ISUA'N A TIDAM THEI CHE. I nun chhe tawh nia i ngaih chuan puitlin lam a pan hret hret ang a, ni tinin 'Lal Isua chu a hma aiin a lo mawi zual deuh deuh a ni' i ti thei ngei ang tih hi kan ringhlel hauh lo ve. A pawimawh lai ni ta chu – A siam thar theih tur leh a ngaihdamna chang tura mahni lam kan lo insiamrem ve erawh a ṭul thung a ni.

Marka 2:17-a kan hmuh angin, 'mi sualte zawk lam tura lo kal' kan Lal Isua duh dan ang ngeiin Kristian Ṭhalai Pawl hi mi baworhsawmte tan zawk a ni si. Chutih rual erawh chuan zeng, Lal Isua'n a tihdam, Lalpa fak chung zela haw ta kha KṚP-te zirlaibuah a tel bawok tih erawh kan theihnghilh thei lo vang.

[Handwritten signature]
www.mizoramynod.org



Thatlai hun hi thurawn tha dawn kan mamawh lai tak a ni a, chu vang chu a ni ngei ang kan Bible-ah hian thalaite hnena thurawn kan hmu a ni. Thuhritlu bung11:8 & 9 inkarah hian hawrawp dum bik (bolt letter)-in, '**Thalaite hnena thurawn**' tih inziak a awm a, chu chu thupuiah ka rawn thlang a, thalaiten in dam chhunga thurawn tha leh pawimawh ber a ni tih in lo hre dawn nia.

Eng vangin nge Bible hian thalaite hnena thurawn a pek? Thatlai hun hi mihring dam chhunga hun pawimawh lai ber a nih vang a ni ngei ang. Saphovin, '*Golden period*' (Hun rangkachak) tia thatlai hun an lo sawi hi a dik hle a ni. A tha lam leh chhe lamah pawh kan chak vanglai, mahni tawkah kawng tinrenga kan that lai hun a nih vangin rilru nei taka hmang turin min duh a, chu vang chuan kan Pathian hian thalaite hi thurawn a pe che u a ni. Pathian meuhvin thurawn a pek che hi chu a pawimawh tawpkhawk ang tih hriain, zawm ngei i lo tum dawn nia.

Bible-in thalaite hnena thurawn a pek hi

kawng thumin kan khai khawm dawn a ni.

1. **Thatlai hun chena, hlim turin (Thur 11:9)**

Thatlai hun hi chena, hlim taka awm turin Pathianin thalaite thurawn a pe a ni. Hei hi tunlai thalaite zawn leh thlakhlelh ber a ni awm e. Thalaite u, in lawm em? Pathianin in thatlai hun hi chen a phalsak che u a, hlim turin thurawn a pe che u a nih chu! Chen rawh, hlim rawh. KTP member, Bible leh Pathian ringtu i ni tiraw? Pathian ringtu i ni tiraw? He kan Pathian thurawn hi i pawmin i zawm mek em le? Tunah hian i nun a hlim em? I eng a thawl em? Tunlai khawvelah thalai ni si hlim thei lo an va tam ta em!

Thatlai hun hmang mek, kum la naupang si, hlim

rual lek lek hlim thei si lo te hian rilru an tihrehawm thin. Kan dam chhunga kan hlim ber hun tur lungngaihna leh tahna hun atan kan hman si chuan nun hi a va ho dawn ve! Thatlai hun hlim tak leh engthawl taka hman thei lote hi vanduai hrim hrim vang a hlim thei lo chu tlem te an ni ang a, a tam ber hi chu Pathian thu anga an nun loh vang a ni. Tih loh tur tih vang leh ei loh tur ei vanga tuar an tam hmel tlat. Pathian thurawn anga nung thin i nih leh nih loh chu i hlim leh hlim loh, i engthawl leh thawl loh khan a hril thui khawp ang. A langa Kristian tha tak, chhungril nuna sual zakzeh reng te hi an engthawl ngai lo. Lo inenfiah teh u.

Thalaite u, tunah hian in hlim em? In eng a thawl em? Isua Krista avangin he khawvel hi nuam i ti em? Bible chuan, 'Eng mah engto nei suh ula, in pang tinatu awm hek suh se' a ti (Thur 11:10). Thatlai duh tak, Thlarau pawlna mak danglam bik chang kher lo pawhin, khati mai khan Pathian thurawn hi i zawm nghal thei a sin. I nuna hlim lohna siam thin sual kha tunah hian dah bo mai rawh. I nun tihnawktu, i taksaah emaw, i

rilruah emaw, i cell phone-ah emaw, i computer-ah emaw, i in chhung leh room chhungah emaw sual i kawl mek a nih chuan han paih bo teh. I hlimin i lawm em em ang a, thawvengin i awm bawk ang. Sual tel lo hian Lal Isua nen a hlim theih a sin! Lal Isua nen hlim takin thatlai hun a chen theih tih i hre reng ang u.

2. A rei dawn lo (Thur 11:10)

Pahnihna chu thatlai hun hi a rei dawn lo tih hre reng turin thurawn min pe. Bible lehlin tharah chuan, 'In thatlai ni a liam mai dawn' tiin a sawi. Ni e, a liam thuai dawn a ni. Thatlai hun chu sawi loh, mihring dam chhung pawh hi a rei lohzia Bible hian min hrilh fo mai (Joba 14:1; Sam 39:5). Jakoba'n kan nunna rei lohzia ti hian a sawi: *In nunna chu eng nge ni? Chhum rei lo te lo langa, ral leh ta mai thin ang hi in ni si a (Jakoba 4:14)*. Kan nunna rei lohzia sawi nan chhum a tekhin a. Sap tawng Bible pakhat phei chuan, meizial pak khu (*A puff of smoke - Good News Bible*) tiin a sawi hial. Kan nun pum pui pawh hetiang a nih chuan thatlai hun chauh phei chu a va rei lo lehzual dawn em!

Thalaite u, khawvel hi

thlahlel suh u. A rei dawn lo. Ruih theih thil ti te hian an tirei hman tak tak lo, an tlin lo thuai mai. A ruka sex hmang khawlo thin te pawh hian nuam an ti rei miah lo. A tawi zawngin... **A REI DAWN LO.** Ṭhalai tam tak hian ṭhatlai huna Lalpa tana inhlan hi chan tur a tam dawn a an hriat vangin an ngam lo fo nia! Ṭhalai duh tak, Pathian tan in ui suh. I ṭhatlai hun a rei dawn lo. Mizo hmeichhe tan phei chuan vanglai hun hi a rei lo leh zual, pasal in nei ang a a tawp titih mai dawn. Zalen taka siamtu Pathian tan in thawh theih hun hi rei lo tak a ni! I piang nawn leh dawn tawh si lo. Chuvang chuan ṭhalaite u, Pathian leh a kohhran tan in thiam in finna hmang ang che u. Nakina in inchhir lohna turin in vanglai hun rei lo te hi a tha thei ang bera hmang turin Bible hian thurawn a pe che u a ni.

3. Vanglai huna Pathian hre reng turin (Thur 12:1)

Thurawn pathumna chu, 'I vanglai hian i siamtu hre reng rawh' tih hi a ni. Benga hriat satliah mai a kawk lova, ṭhatlai hunah hian Pathian hriat ngei ngei tur a ni. Hei hi kan hriat sa, inhrilh

nawn pawh ngai lovah kan dah mai thei. Mahse, hriat satliah mai a tawh miah lo. Kan Bible *Genesis 4:1* kan chhiar chuan, '*Tin, Adama chuan a nupui Evi chu a pâwl a; tichuan a rai a, Kaina a hring a, ...*' tih kan hmu a. Kan lo chhinchhiah tur chu Adama'n Evi a pawl thu hi Saptawngah hi chuan – 'knew' tih a ni daih a, chu chu 'hria' tihna a ni. Adama'n a nupui a hria a, Evi a rai a, fapa a hring ta. Heta inhriatna hi chu raina tham a tling tlat. A thuk em em a ni. Chutianga thuk chuan I vanglai hian i siamtu Pathian I hre tur a ni. Pathian nena inzawmna thuk tak neih sawina a ni. I vanglai ngei hian Pathian nen inzawmna thuk tak nei la, piangthar ngei rawh tihna a ni. Ṭhalai duh tak, tunah hian siamtu Pathian nen in inhre tak tak em? Thlarau fa hringkhawpin Pathian nen in inzawm em? Lal Isua hnenah Thlarau bo i hruai tawh em? Inenfiah rawh. I vanglai ngeia chutianga ni tur chuan Pathian a duh che a ni.

Ṭhalai duh tak, nakina i inchhir lohna turin engkim siamtu Pathian hnen aṭangin thurawn hlu tak mai i dawng a, Engtin nge i chhan dawn le?

SYNOD CHOIR 2018–2020

Ni 8, June 2018 (*Zirtawpni*) zan khan kum 2018-2020 chhung atana *Synod Choir Member* turte hlanna hun hman a ni. *Member* thar hlanna hun hi Upa Rosangliana, *Assistant Leader*, CKTP-in a kaihruai a, Tual Upa Rochungnunga, *General Secretary*, CKTP-in report pein member tharte inhmelhriattirna hun a hmang bawk. Dr. David C. Vanlalfakawma, *Director*, *Mizoram Synod Choir*-in thutawi a sawi a, *Synod Moderator* Rev. F. Lalrinnunga'n Pathian hnena hlanna hun a hmang. Hlanna hun a hman zawh hnu hian Rev. Dr. K. Lallawmzuala, *Leader*, CKTP-in Pathian thuchah a sawi a ni.

Member tharte chu :

Sl No.	HMING	BIAL	PART
1	T. Laldintluanga	Ramhlun North	Conductor
2	R. Zomuanpuui	Khatla	Soprano
3	Deborah Lalmuanpuui	Bawngkawn	Soprano
4	Jenny VL Dinpuui	Chanmari West	Soprano
5	Maria Lalnunpuui	Electric Veng	Soprano
6	Lalrinmawii	Vaivakawn	Soprano
7	PC Vanlalchhandami	Venghnuai	Soprano
8	Lalbiakdiki	Chhinga Veng	Contralto
9	Rebecca Lalenkawli	ITI Veng	Contralto
10	Rebecca C. Lalrinsangi	Armed Veng	Contralto
11	Ruthi Lalrinawmi	Tlangnuam	Contralto
12	Lalramchhuani	Maubawk	Contralto
13	Lalruatfeli	Kulikawn	Contralto
14	Jerome Lallhuapzova	Chaltlang	Tenor
15	Lalchhuanawma	Leitan	Tenor
16	PC Lalhruaizela	Zonuam	Tenor
17	Zairemmawia	Durtlang	Tenor
18	Jeremy Remlalfaka	Venghlui	Tenor
19	Zodinsanga Ralte	Tanhriil	Tenor
20	K. Mawizuala	Ramhlun	Bass
21	Zothanmawia	Mission Vengthlang	Bass
22	Lalbiakthuama	Tuikual	Bass
23	R. Lalhmingmawia	Luangmual	Bass
24	John Lalhmingmawia	Republic Veng	Bass
25	Lalhmingmawia	Bethlehem Venglai	Bass



INKHEL EN LEH HLA ZIR!

Lalnghingloua Hmar (Tetea)

Inkhawm lai taka inkhel en tur hi chu awm bawk mah se a tam lutuk lo a, inkhawm bana hla zir a ÷ul zan leh inkhel hmuhnaawm hi a innang thei si a, a buaithlak zo ta a ni!

Inkhelh uar hnam kan ni a, KÏP pawh kan sports ðin. Kan inkhelh buaipuah pawh football hi kan uar zual a, a khelh mai duhtawk lovin a en lam hi kan uar hlei hlei niin a lang. A taka corner kick-a goal post pawh pet kang thleng phak lo turte hi a sawiah chuan a thiam hlei hlei kan ni a, Lionel Messi chak lohna thlenga sawi thei kan awm fur mai. Kan inkhel en tlanglawn ber hi Premier League a ni a, hei hi Inrinni zan leh Pathianni zan hian a chhuak bawk si a, kan buai tih phat rual a ni lo.

Sports hrim hrim hian zûn a nei. A zûna uai tawh tan chuan tal chhuah mai mai pawh harsa tak a ni. Sports a nih tawh dek dek chuan tui nghal thei zel ang chi ka ni ðin. Tun hmaa kan lehkha zir laia cricket kan han buaipui tak tak te kha chu Shillong-a mi TV zawrhna dawr darthlang chhanah Vai mutia rual nen Sachin Tendulkar-a te kha kan han en ho ðin kha a ni a, kan va uar tak!

Cricket sawi takah chuan ka la hriat reng chu, zan khat chu Test cricket-a India-in West Indies an hneh

theihna remchang a awm a, an chak lai ngei live-a en kan duh. Keini hostel awmna kha chu Shillong-ah pawh hostel strict ber mai kha a ni a, zanlaiah hostel bang lawn liamin kan chhuak ru a, kilometre 4 vel zet kea kalin Mizo inah 'Test cricket' kan han en ru ta kha a ni a, India kha an la chak lo zui.

Hei hi chu cricket mai a la ni. Football atchilh avanga ka lo tawn tawh hi sawi dawn ila, sawi tur a awm ve nual ang. Nangni pawhin sawi dawn ula, sawi tur in ngah hle ang. Mizo mipa tawh phawt hi chuan football hi kan ngaina

emaw tih tur a ni a, hmeichhe lam pawhin kan ngainat chiah loh pawhin kan ngaihven deuh veka, a bikin KTP nulaho chu kan thian mipate ngainat an nih vangin tlem tal chu kan sawi thei deuh vek awm e.

Mahni baw k han insawi leh ta ila - 1998 kha a ni a, BA final kan zir lai a ni. World Cup a hnai a, kan hostel-ah TV kan nei lo va, inkhel en tura chhuah phal a ni hek lo. Hostel-a ka awm zel chuan kum li dana thil thleng, khawvel ennawm ropui chu ka en thei dawn lo tih ka hria. Ka thil hreh tak tih a ngai ta - chu chu ka chungte hnena St Edmund's College hostel tha tia an sawi ve hat atanga chhuah dil a ni. Inkhel ka en chakna chuan a buk rit ngang si a, chhuah ka dil ta nge nge.

Sum tam tak sengin chungten harsa takin lehkha zir turin min dah ve a, keiin inkhel en turin hostel atanga chhuah ka dil! Min tihlawm loh an hreh si a, ka pa chuan, "Puitling i ni ve tawh a, i tana tha tur leh tha lo tur chu i hre vek a, i thutlukna ni rawh se," a ti - chhuak lo turin min duh zawk tih chu a Chiang Reng mai. Chutah kei 'puitling' ve

tawh chuan thutlukna chu ka siam ta rup mai a, chhuah ka tum ta. Ka chhuah tur thu kan hostel hotupa ka hrilh mai chu a hrilhhai ngang mai a, a chhan a hre si lo a, ka sawi lang ngam baw k si lo a, ka chhuak ta - inkhel en turin ka chhuak kha a ni ber. Hei hi football atchilh vanga ka lo tawn tawh tam tak zinga pakhat a ni.

Ka sawi tum chu hei hi a ni - sports hi kan buaipui a, a tha e. Kan buaipui zel tur a ni. Football hi kan atchilh a, a tha e, kan la khelin kan la en zel ang. Hetih lai hian a taw k chin, kan tih awm chin leh kan tih tur chin hi kan thir thiam a tha khawp mai. Tih lutuk hi a tha lo tih ka lo zir chhuak ve tawh a, tun hnuah hi chuan atchilh pawhin fing deuhva at tur a nih ka hre thiam chho ve ta.

Tichuan, rorelna nia mahni chanchin la sawi tur ni baw k mah ila tunah pawh sawi ta zel mai ila! Zirna kan zo a, rin loh lamah ei kan zawng ta a, journalist ka ni ta. Ka bul tanna lamah chuan sports journalist ka ni mah a, min sawiseltute chuan, "Sports writer pawh a tling phak lo, football writer a ni e," min ti thin. Football chanchin

ziah chu ka 'eizawnna' a ni ta ber a, football ka en hian 'hna ka thawk' chu a lo ni ta der mai. Mi thenkhatin hna thulha El Classico an en hian kei chu hna pawimawh tak ka thawk mek a lo ni a, Arsenal leh Manchester United inkhel ente chu 'hna thul tak' a lo ni ta reng mai.

Hetia football en hi ka hna a lo nih tak hnua hian athilh dan chin tawk neih a thulna hi ka rilruah a lian tawh



a, tun hmaa ka thil tawnte avangin ka inzir ve zel a, kum a lo pung ve hret hret nen thil thlir dan a lo danglam ta. Keimahah chuan thutlukna ka siam ve ta tawp mai a, "Ka theih chin chinah inkhawm leh hla zir thulhin inkhel ka en lo vang," ka ti ta. Hman deuhva inkhawm laia inkhel hmuhnaawm em em chhuak thin, a hnua chanchinbu lama lo chhuak ve leh te kha ka en loh a tam zawk an ni a, YouTube nen tang kawpin internet lama news report-te

thangkaia hmangin mahni hriatna lo awm sate nena ziah a ni hlawn - ka en lo tih pawh in hre meuh lo vang!

Tichuan, a tawi zawngin, hna thul tak 'inkhel en' kalsanin zaipawlah hlate ka zir a, hna pawimawh tikhaih lak in ka inkhawm ta thin a nih chu. Hei hi KTP-ah hian sawi chhuah a ngaih si avangin mahni chanchin ka zia ka vak a, a chhan chu KTP member-te ka challenge duh vang a ni.

Inkhel hmuhnaawm chhuah leh inkhawm hun a la innang dawn chauh. Inkhel pawimawh zanah hla zir a thul chang a awm chho zel ang - i dah pawimawh zawk tichiang rawh. Tun atangin rilru siam la, keia tlanche paha intiamna, "Ka theih chin chinah inkhawm leh hla zir thulhin inkhel ka en lo ang," tih aia inpekna thuk zawk, "Inkhawm leh hla zir thulhin inkhel ka en lo ang," tia i intiam thei a nih chuan, en chahnain a tur ut ut pawh a tlahniam ang a, zawi zawiin a la reh ve ngei ang.

An Chanchin

100% Jesus

Neymar da Silva Santos Junior hi Brazil football player a ni a, khawvela football chanchina footballer man to ber ni mek a ni. Kum 2017 khan Paris Saint Germain (PSG) chuan Pound maktaduai 200-in Barcelona aṅangin an lei chhuak a nih kha. A man zat hian a hmaa record awm sa Manchester United-in Paul Pogba, Juventus aṅanga an lei chhuahna Pound maktaduai 89 chu a rawn khum Chiang hle.

Neymar hi Neymar da Silva Santos Junior tih hming puin February 5, 1992 khan Mogi das Cruzes, Sao Paulo, Brazil ah a lo piang a. A pa hi football khel ṅhin a nih avangin a naupan lai aṅangin football khelhi a tui nghal em em mai reng a ni. A hun hmasa lamah chuan Santos football club-ah a khela, chumi hnu kum 2013 ah Barcelona-ah kalin, kum 2017 khan PSG chuan World record fee-in an la lut ta a ni.

PSG hian heti fakauva man tova he kum 26 mi Neymar an



lei ngamna chhan hi eng dang a ni lo, football a thiam em vang a ni. Football khawvelah chuan a hming hi a te thei lo hrim hrim mai. Messi leh Ronaldo vanglai tawng a nih avang hian a lar tur ang leh a ṅhatna tak tak hi a langsar ta lo deuh mai pawh a. A thiam zia tilang Chiang leh deuhtu pakhat chu kum 22 mi Chauh a nih laia khawvela football thiam ber pawl ram ni reng ṅhin Brazil Captain atana ruat a nihna hi a ni. PSG lama a insawn chhan pawh hi eng dang a nih a rinawm loh va, player dang hliahkhuhna kalsana, a thatna tak tak pho lan a nih theih nan a kal a nih a rinawm ber.

100% Jesus

Neymar hian Lal Isua a rinna chungchang hi ṭawngka emaw, chetziain emaw tihlan hi a hreh ngai lo. Ṭum khat chu hetiang hian a sawi: “*Lal Isua rawngbawol hi kan ngaih pawimawh ber a nih loh chuan nun hian awmzia a nei lo a ni,*” tiin.

Ram leh club tana intihsiaknaa an *champion* hian a chalah “100% Jesus” tih a hreng kan hmu ṭhinin a rinawm. *Santos youth team*-a a khelh laiin an veng kohhran pakhat chuan pawisa an thawh khawm a, *Neymar* leh a ṭhiante *football training* neihna tur khelmual thar man atan an pe a, chumi chuan *Neymar*-a nun a hneh em em mai a, a hlawhtlinna tura Pathianin a kawng a buatsaihsak dan chu ropui a tih em avangin lawm thu sawi nan a chalah “100% Jesus” tih hi a hreng ṭhin a ni an ti. A chhan chu eng pawh ni se, thil Chiang tak pakhat chu *Neymar* hian a nun kaihruaitu ber chu Lal Isua a ni a; chuvangin, a hlawhtlinnaah pawh a tel ve zel a ni tih khawvel hriattir hi a hren chhan ber pakhat chu a nih a rinawm.

Sawma pakhat

Neymar hi Kristian chhung kuaa sei lian a nih avang hian Pathian ram thilpek pawh a ngai pawimawh hle a nih a rinawm. An sawi dan chuan a sei lenna veng kohhranah a hlawh aṭanga sawma pakhat hi a chhung lut ṭhin a ni an ti. Tunah hian *media report*-a a lan dan chuan kum khatah Euro maktaduai 36.8 a hlawh mek a, hei bakah hian fakna leh thil dang aṭangin kum khatah Euro maktaduai 18 vel a la la lut cheu bawk. A vai chuan chuan Euro maktaduai 54.8 vel a la lut a ni (India pawisa chuan cheng maktaduai 4,384.55 vel a nih chu). Heta ṭanga sawma pakhat han pek chu a uiawm duh viauvin a rinawm.

Mi mal, ram leh *club*-ah chawimawina eng emaw zat a dawng tawh a, a la dawng zel dawn niin a lang. Hetiang mi *football* thiam, Pathian ṭih mi, thilpek ngai pawimawh em em mai hi Pathianin a chawisang hle mai, a la chawisang zual deuh deuh dawn ni paw'n a hriat. Pathian hian amah kan ṭanna hi ṭawngka leh chetziiaa lantir turin min duh a, thilpeka amah chawimawitute hi malsawmna a pek belhchhah ṭhin.



Rev. Benjamin Lalrinmawia
NE Khawdungsei

LEI CHI IN NI E

Matthaia 5:13

Chî hi *Rom (Latin)* ðawngin 'Sal' an ti a, Sâphovin 't' belhin 'Salt' an ti a ni. *Rom* sawrkarin an sipaite hlawh an pêk ðhin chu chi leina atân an hman deuh ber avângin 'salarium' an ti a (*chi leina tur' tihna a ni*), Sâpin 'Salary' an ti. *Rom*-ho chuan an kawngpui pawh 'Via Salarium' an ti a. Chi phurh kualna tûr niin *Rom* sipaiten an vêng ðhin nghe nghe a ni (<https://hermeneutics.stackexchange.com/.../what-does-salt-of-...?>).

Lal Isua hun laiin chî an hmuhna hmun ber chu Tuipui Thi aţangin a ni a. Tuipui Thi bulah chuan lung chî *Jebel Usdum* an tih, mêl 7-a thui, mêl 2/3-a zau a awm nghe nghe a ni. Lung an kher a, khur an siam a, chutah chuan chi tui chu an leih lût a, ni an emtîr a, a tui a kang hnuah chî chu a lo bâng ðhin a ni (https://en.m.wikipedia.org/wiki/Salt_in_the_Bible).

Lal Isuan a zirtîrte chu chî angin a tehkhin a. An hre thiam ang em le? Chi pawimawhzia leh ðangkaizia an hriat chian êm avângin hrihfhiah zui loh pawhin an hre thiam ngei ang. *Juda-te* lehkhabu *Talmud* chuan, "*Khawvêl hi hmarcha tel lovin a*

awm thei a, chi tel lo erawh chuan a awm thei lo," a lo ti hial a ni (*Yerushalmi Hora'yot 3:5*).

Lal Isua hun laia an thuk hman ðhin chu lunga siam a ni a, kawngkhâr pâwnah an dah ðhin. Thuk mawngah chuan tile phêk an phah ðhin a, a sat rei theihna tûrin tile chungah chuan chî an dah ðhin a ni. An hman rei hnu chuan chí chu lo dain sâ (*heat*) pawh a vawng rei thei ta lo va. Chi dâ an ti a. An la chhuak a, kawngah an theh chhuak a, miten an rap mai mai ðhin a ni (*William Barclay - Devotional study Bible*).

Chi chu a ðangkai angin a zirtîrte (ringtute) chu an ðangkai tûr a ni a. A hlutna a hlohva a ðangkai tawh loh

chuan pawnsah an theh chhuaka mite'n an rap mai mai angin ringtu pawh paih chhuah/hnâwlin a awm mai dâwn niin a sawi a ni.

Ringtu chî ang a nihna tûr chu

1. Chî chu thuk vawng satu/tinungtu a nih angin ringtu pawh Lal Isua rawngbâwl hna chhawm nungtu kan nih a ngai. Lal Isuan keini lo chu kutke a nei chuang lo. Indopui 2-na hun lai khân German rama Frankfort khaw biak in *St. Mark's* chu *bomb* a ni a. A chung chim chuan a chhûnga Isua lim chu a delh tlu a. Indo zawh hnuin Isua lim chu an hai chhuak leh a. Mahse, a bân a lo bung ta tlat mai. An tun din leh chuan kohhran hruaitute chuan a bân tel lova dintûr leh chu an rêl thlu a. A chhan chu khawvêlah hian ringtute hi Lal Isua kut kan ni tih min hriattirtu atân an ti a ni (*Bible study tools.com*). Miin *Prime minister, Chief minister* kutke nih chu an châk ngei ang. Dinmun sâng tak a nih avângin. Chûngaia ropui Krista kutke nih chu a va sâng êm!

2. Chî chu thil vawn that nân an hmang thîn. *Refrigerator* a la awm si lo va.

Sa leh sangha an vawn thatna ber chu chî a ni. Sa chu chiin an chullh a, chu chuan a uih chhe tûr lakah a vêng thîn a ni. Mt. 5:13 pawh hi vawng thatuin thil a vawn thatna (*preservation*) lam hawia sawina niin hrilhfiyah a ni nghe nghe a ni. Ringtute chu soal laka khawvêl chhe zêl tûr vêngtu tûr kan nihzia min hrilh a ni. *William Iverson Wryly-a* chuan, "*Sa (meat) pound khat hi chî (salt) pound chanve chanve leh chuan a chiah hneh hle mai a. Lal Isuan ringtute lei chî anga min tehkhin si chuan khawiahnge a thusawi dikzia lanna chu ni ta ang le?*" tiin a sawi hial a. Rawngbawltu tam tak kan inruat thîn. Mahse, kan rawngbâwl na hian kan khawtlâng leh chhûngkua ngei pawh hi a va chiah hneh lo thîn êm!

3. Chî chu thil rinawm leh tlo entirna a ni a. Pathian thuthlung a entir (Lev. 2:13). Pathianin *Israel* mite hnênah chi thuthlung (*covenant of salt*) a siam a. Chu thuthlung chu a nghet a, bawhchhiat mai loh tûra thlun tihna a ni (*Num. 18:19; 2 Chro. 13:5*).

Ringtu chu khawvêlah Pathian tân a rinawm tûr a ni. *Vesuvius* tlângkângin *Pompeii*

khawpui a tihchhiat (AD 79) khân mi tam tak chu a chhill hlum a. A hniam lam leh a sâng lama birûkna zawngte'n himna an hmu chuang lo. *Rom sipai duty* pakhat chu khawpui gate bulah a kuta râlthuam keng chungin a ruang hmuh a ni a, chu lai hmun chu an hotupain *duty* tûra a tihna hmun a ni. Lîrngîng leh

tlângkâng a lo thlen pawhin a tlânchhe ve lo. Kum tam tak hnûah miten a rinawmna chu an la hmu thei a ni (*Mark S. Wheeler, "Marks of a Servant," Discipleship Journal, Nov/Dec. 1987*). A rawngbâwl tûra min dahna hmunah hian thih thlengin rinawm takin a rawng i bâwl zêl ang u. *Amen.*



PRESBYTERIAN CHOIR, LUNGLEI

Chhim lama kohhrante tichak tura din *Presbyterian Choir 2018–2020 term* thar chu April 26, 2018 khan *Administrative Secretary Rev. R.C. Lalngkhakiana'n Synod Conference Hall, Lungleiah* a hlan.

Presbyterian Choir term tharah hian *Director-ah Pu Malsawmdawngliana, Leader, KṚP, Venglai Bial* ruat a ni a, *Conductor* atan *Pu Calvin Lalchawimawia, KṚP, Bazar Veng Branch-a* mi ruat a ni bawk. *Choir member* atan hian *Lunglei khaw chhunga Bial hrang hrang aṭangin KṚP member 21* ruat an ni a. Tunah hian rawngbawlna tur hmachhawp tam tak an nei mek a, ṭawngṭainaa kan hriat fo a ṭul hle mai.





KA SUANGTUAHNA

KTP

- F. Vanlabrochana

Heti hian ka ngaihtuah thin. Kristian Thalai Pawlte hian kan kal dan kan lo thlak danglam a. Inkhawm bak chu *activity* behbawm kan lo ngah lutuk tawh lo va. Dar hmasa rik rual चाहिन biak inah kan thu thap a. Zaipawl hlate kan lo zir a. Zaipawl pawhin KHB hla kan lo sa tam bawk a. Thla khatah wawi khat tal Thawhtan zan chu hla zirna atan hun kan lo hmang a. *Short Sermon* kan zep ve zeuh bawk a. Inkhawm ban emaw, inkhawm loh zana h emaw hla zir hun hran kan rek tawh ngai lo.

KTP-te chuan mihring inkaihhruaina kan lo ngai pawimawh leh zual tawh a. Mahni *branch*-a pawl 10 leh 12 zirlaite tan *tuition* leh *coaching class* kan lo buatsaih a, *budget* hran siam meuhvin kan lo buaipui a. Nakina kohhran leh Pathian an belh zelna tur remchang kan lo siamsak a ni.

Psychological and Career Counselling kan buatsaih a. Mi thiam ruaiin, a mamawh apiangte rawn theih turin ruahmanna kan siam a. Hna zawнна lama harsa, *Competitive Exam* tura inbuatsaihna kawnga puih ngaite kan lo pui thin bawk.

Thil chhinchhiah kawngah tan kan la zual a. Kan pawl

chanchina inhniaalna awm thei awm reng reng chu a awm leh tawh lo vang.

Inkhawm kan no. 1 a nih tawh avangin *activity* dang kan lo nei tlem a. *Member* hlate ngaihsak kawngah pawh kan hun kan lo pe tam thei ta a. Kal paha insawm mai mai ni tawh lovin, kan inbawhzuiin, kan inum zui ngar ngar tawh avangin kan rawngbawlina nghawng chhuah pawh a danglam tawh hle.

Kan *member*-te dinhmun zir chiangin an harsatna kan hriatpui a. Mi tin an harsatna milpuiin rawngbawlinaah hma kan la a. Mi tin an dinhmun milin kan huang

chhungah kan la lut a. Rawngbawlna zangkhai leh rilru hahdam zawkin kan kalpui thei a, awmze nei zawkin kan rawngbawlna pawhin rah a lo chhuah thei ta a ni.

Chutiangsungtuahna neitu chu Kristian Ṭhalai Pawlah hian kum tam tak ka lo inhmang ve ta a. Inhman hun kum chu la nei nual mah ila, eizawnnain a zir tak loh avangin ka tel ve mumal thei ta lo.

Ka inhman hun chhungin chanchinbu enkawltu, zaipawl hruaitu leh chanvo hrang hrangte pek ka ni thin a. KṬP-a kal avanga ka chān ai chuan kan chan(g) hi a tam daih zawk a ni. Malsawmna tam tak a lo luang chhuak zawk a ni.

KTP hian

1. Ringtute nun nghehna min pe.

2. Ṭhian tha min pe.

3. Thil tam tak ka thiam belh.

4. Mipui hmachhawn leh mipui hmaa thusawi thiamna min pe.

5. Rimawi lam min hmel hriattir a, KṬP kaltlang hian *Keyboard* thlengin ka thiam phah.

6. Ka inhman vanglai leh chanvo ka ngah vanglai tak hi *exam*-na a ka tih ṭhat leh hna ṭha ka hmuh kum a ni zawk tlat.

7. *Leadership training*-na ṭha a ni.

Tuna inhmang mekte pawh hian Lalpa an rin tlat chuan KṬP kaltlangin malsawmna tam tak an dawng ngei ang.

K. Lalthanzama hla anga, *“Ka Lalpa hnung zui tur hian, channa emaw ka ti thin; mahse, hlawkna a lo ni si,”* ti thei turin rawngbawlna leh mi mal nunah i taima ang u.



KRISTIAN ṬHALAI

Kristian Ṭhalai July Issue

Cover design : Zoremkima Khiangte, Ramhlun North Br

Cover photo : K. Lalmangaih zuala, Ramthar North Br.

Kristian Ṭhalai chanchinbu hi a la thar duh tan mahni Branch Agent-te kaltlangin lak thar theih reng a ni e.

HRUAITUTE CHANGHIN

Ricky Lalrammawia Ralte

CKTP Assistant Secretary



Ricky Lalrammawia Ralte hi R.L. Ramthanga leh Lalbiakchhawni-te fa upa ber niin May 1, 1981 khan Christian Hospital, Serkawnah a lo piang a, an unau hi mipa pathum leh hmeichhia pakhat an ni.

A naupan laiin a pa hna avangin Mizoram hmun hrang hrangah an awm kual a, *Primary School* hi Lunglei, Kawnpui leh Chaltlangahte a kal a, *Middle School* chu *Gov't Paul Zosangliana Middle School*, Chaltlangah a kal thung. *High School* hi *Mary Jones School* leh *Gov't Chaltlang High School*-ah a kal a, *Gov't Chaltlang Higher Secondary School*-ah kal chhunzawmin, BA hi *Govt. J. Thankima College* atangin a zir zo leh a ni. Eizawna lamah tunah hian *Project Division-III*, *PWD*-ah a thawk mek a ni.

Rawngbawlna lam : Naupan tet atangin theih tawk tawka kohhranah inhmangin Bawngkawn Kohhranah *Sunday School* zirtirtu leh *KTP Group* hruaitu hna a thawk ve a. Kum 2001-a

Bawngkawn Hmar Veng Kohhran a lo indanin *KTP Office Bearer*-ah thlan a ni a. Kum 2001 atanga 2016 chhung a zawna *Office Bearer* hna hi chelhin *Office Bearer post* hrang hrangte a chelh kim hman vek a ni. Bawngkawn Bial *KTP*-ah *Asst. Secy.* (2007 & 2008), *Secretary* (2010 & 2014), *Asst. Leader* (2009 & 2013), *Leader* (2015). Kum 2016-a Bawngkawn Bethel Bial hawn tharah Bial *Leader* hna hi a chelh bawk. Kum 2016 *KTP General Conference* Champhaiah khan *Central KTP Committee* atan thlan a ni a. Kum 2016 atanga tun thleng hian Bial *KTP* leh *Branch* *KTP*-ah *Ex-Officio*-in a awm mek bawk a ni.

A tleirawl lai atangin zai hi a tui ve em em a, Bawngkawn *Pastor Bial Zaipawl* (2001-2003) ah a tel a, a hnuah *Gospel Melodious Choir* lamahte pawh tel ve lehin tun thlengin kohhran zaipawlah *member* rinawm tak a la ni reng a ni.

June 21, 2015 khan Bawngkawn *East Kohhran Tual Upa* atan thlan a ni a, Ni 7, January 2018 khan Bawngkawn *East Kohhran Upa* atan thlan ni lehin, kumin Aizawl Hmar *Presbytery Inkhawmpui*, Leitan South Kohhran Biak Ina neih turah nem ngheh tura chhawp chhuah mek a ni.

Khawtlang rawngbawl na lamah pawh theih tawk tawka inhmang vein *YMA Section Office Bearer*-te pawh a lo ni tawh thin a, Bawngkawn *Branch YMA Executive Committee*-ah leh *YMA Chanchinbu 'Finna' Joint Editor* hna te pawh a lo thawk ve tawh a ni.

A naupan lai chuan zakzum tak, mi paw sawi hlau tak a ni thin. Amah hre Chiang lotute chuan a tawngthei lo emaw an ti hial thin. Mahse, KTP leh kohhran rawngbawl na a luhchilh hnu atangin Pathiannin a mizia

pawh nasa takin a tha zawngin a thlakthlengsak a, thin ngaina, tawng duh leh thinho zingah pawh hlimpui ber zinga mi a lo ni ta zawk a ni. A kova tla hna reng reng rintlak leh tha taka ti thin mi a ni a, tih loh ai chuan tlaivara thawh mai duh chi a ni baw. Mite rin ngam nih hi a tum ber a ni thin.

Infiamna lam pawh a ngaina hle thin, a khel phak chin chu eng *sport item* pawh hi a ti ve vek ringawt mai a, a bikin *football* hi a tuichilh ve em em thin a, veng aiawh pawhin *Age level tournament* leh *Central YMA tournament* thleng pawhin a lo khel ve tawh thin a, tunah erawh TV lama *Manchester United* khel ngei mai en mai hi a tuipui rih ta zawk a ni. Chawhmeh ei duh loh a nei lem lo va, chawhmeh hming tawi te te hi a ngaina zual.

Thufingte 3:5-6, "I thinlung zawng zawngin LALPA ring la, nangma hriatnaah inngat suh; I kawng zawng zawngah amah hre reng la, i kawngte chu a kawhhmuh zel ang che," tih hi a Bible chang inngahna leh a duh ber a ni a. KHB no. 254, "Min hruainaah chuan ka kal ang" tih hla hi a hla duh em em baw.



T.Upa R.Vanlaltlana
Secretary
N. Hlimen Bial

Kristian Thalai Pawl, N. Hlimen *Pastor* Bialin kum 2016 Bial *Conference-a*, *Work Camp* neiin ramthar tlawh ni se, tia a rel chu tihlawhtlingin *Cachar* Kahrawt Bial tlawhin mi 20 (Mipa 17, hmeichhia 3), November 24-27, 2017 khan an kal.

Kalkawng

Pathian hruainain a hun chu a lo thleng a, Thingthelh aţangin November 24, 2017 zing dar-5 velah *Work Camp* tur kan chhuak a, Saipumah KṚP, Saipum Branch-te'n thingpui leh chhang tui tak min hlui a, tukṥhuan chu Bilkhawtlir thlangah chawhma dar 10:20 velah kan ei a; tichuan, *Cachar* Kahrawt hmun chu chawhnu dar 2:30 velah kan thleng ta a ni. *Winchester Mission Compound* lamah an *Headmaster* inah min lo dawngsawng a, ṥawngṥaina te kan hman hnuin, mi ṥhenkhat thawktute inah thlengin, mipa 13 vel chu in khatah kan riak khawm a, thawktute inah chaw kan ei ṥhin thung.

Hun hman dan tlangpui

Kan hun hman dan leh hnathawh dan tur ruahmanna siam lawk angin, November 25, 2017 (Inrinni)-ah hna thawk ṥanin, *Winchester* Sikul kawng zim lai kan laih zausak a, hemi ni hian Kahrawt Bial chhunga mi Tlangpui Branch KṚP paw'n

hnatlang lo ko vein, anniho nen hian lei laih leh kalkawng *brick* phah chung a leivung dah hna kan thawk ho a ni. Chawhnu dar 2:30 velah kan thawh tur chin chu kan zo hman a ni.

Inrinni zan hian *Telkatta* Kohhranah kan inkhawm a, hetah hian *bus* a kal theih loh avangin *Pikap Motor* kan hman a, kan thlenna aţanga *Minute-30* vel kal a ni. He khuaah hian *Power Supply* a la awm lo va, an khuaah hian *Kewa* hnam an tam ber a, Mizo ṥawng an hria a, an ṥawng thei mumal lo thung. An kohhran secretary-in kan ṥawng a let a, kan bial leader Pu JC Lalthanfala'n "*Inpumkhatna*" tih thu sawiin, *report* tlangpui kan pek bakah, kan zaithiam hruai a zai bawk.

Pathianni *Sunday School* chu Bial *Station* Kahrawt Kohhranah inkhawmin, Bialtu *Pastor* Rev. E. Ramchullova bial fan lai a lo ni bawk a, chawhnu lamah Tlangpui Kohhranah inkhawmin, Bial *Asst. Leader* Upa C. Lalfakawma'n "*Rinawmin*

awm rawh" tih thusawi a, *report* tlangpui pek a ni bawk.

Tlangpui hi Sakechep hnam an ni a, tun hma phei chuan *Pastor* thuthmun pawh an lo ni tawh thin awm e. Inkhawm banah Mizorama Kristianna lo luh chhohna bul tia an sawi thin *James Winchester* an thahna hmun ah te kalin, tawngtaina inah te tawngtaiin, thuziak hnutchhia a ni.

Zan inkhawm tura haw lehin Pathianni zanah Kahrawt Kohhranah *Pro. Pastor C. Thang romawia'n "Nun nghet"* tih thu sawiin, kan zaithiam hruai a zai leh bawk. Inkhawm banah *Pastor quarters*-ah kan inkawm khawm a, he hunah hian an harsatna tawh dan leh rawngbawl na kalpui a nih dan bakah, bial chung kohhran hrang hrang mamawh leh tlakchhamte Bialtu *Pastor* hnen atang hian kan ngaitla a, kan hlawkpui hle. Bial chung kohhran baihvai deuh hnena pek turin pawisa fai Rs. 6,000 (sangruk) chu Bial *Leader*-in Bialtu *Pastor* hnenah a hlan nghe nghe a ni.

An dinhmun

Cachar Kahrawt Bialah hian kohhran 8 awmin, inkarkik tak tak a ni a. Kan tlawhho hi kohhran hlun hmasa an an ni a, hmun thenkhat phei chu *motor* pawh a lut thei lo va, Bialtu *Pastor* Bial fang pawh kea kal a

ngaih chang a awm thin. Kan kalna kohhran atanga lang Chiang em em chu an rinna a nghet hle tih hi a ni. Mizo hla sa thiam ve miah lote pawh Pathian fakin an lam mai a, rilru a khawih hle.

Cachar Kahrawt hi sawrkar inawpna lamah chuan *Assam* sawrkar hnuai a awmin, *Synod Mission Board* hnuai a *Barak Area* hnuai a an awm a. Mizoram *Synod*-in ramthar lama kut a thlakna hmasa niin, hmun hma nuam tak leh sikul (*Hostel* awm kawpna) tha tak an nei a, sikul naupang 300 chuang an nei nghe nghe a ni. *Hailakandi District* hnuai a zirna in tha pawl niin thawktu zirtirtu leh damdawi lam thiamte nen *compound* zau takah awmin an intodelh hle.

Lawm thu

November 27, 2017 tlai dar 3 velah dam takin mahni hmun theuh kan thleng leh thei a, *Work Camp* kal theia damna min petu leh tuang taka hun min hman tirtu Pathian chungah lawm thu bang lovin kan sawi a a ni. Tin, hei bakah kan cham chhunga hneh taka min lo dawngsawngtu *Winchester Sikul Headmaster* leh thawktu dange chungah te leh Bialtu *Pastor* fel tak Rev. E. Ramchullova chungah pawh lawm thu kan sawi takmeuh bawk a ni.

NEICCYA SILVER JUBILEE LAWMNA REPORT

(Umpling Presbyterian Church)
PC Lalrindiki, Chanmari West Bial

Thuhma

NEICCYA hi kum 1993 khan mumal taka din a ni a, hemi hma hian thalai intawh khawmte buatsaih thin ni mah se mumal takin a la kal lo. NEICCYA hnuaiiah hian kohhran 33 leh *Para-Church* 16 an awm mek a ni. NEICCYA hian a tum ber chu *North East India*-a thalaite inpumkhata rawng kan bawl theih nan te, vantlang leh khawtlang *programme* kan neih atangtea inlungrual taka Chanchin Tha puan darh te, thalaite rawngbawlna tha leh chak zawk neih nan leh ram tana mi tangkai an nih theih nan *training, seminar* buatsaih te a ni.

Kalkawng

April ni 19 (Ningani) zan dar 7:00-ah *Synod Office* kawtah innghak khawmin, CKTP OB-te'n thu an sawi zawhah T.Upa Rochungnunga, *General Secretary*, CKTP chu Pathian hnenah tawngtaiin, member 15 (CKTP *Comt. member* 11 leh Bial aiawh mi 4)-te chuan bus pakhat hmangin Aizawl kan chhuahsan a, a tuk ni 20 (Zirtawp) chawhma dar 10:20-ah tluang takin *Umpling Presbyterian* Kohhran, *Shillong* kan thleng a, hemi ni vek hian *Mizoram Synod Choir* member 23-te chuan *Shillong* an rawn pan ve a ni.

Thlengtu kohhran dinhmun

Thlengtu kohhran *Umpling Presbyterian* Kohhran hi kum 1997-ah din a ni a, *KJP Synod Mihngi* hnuaiiah an awm a. An kohhranah hian mipa 857 leh hmeichhia 966, an vaiin mi 1,823 an awm a, Kohhran Upa 12 leh *committee member* 10 an awm bawk a ni.

Kohhran hian *Silver Jubilee* an thleng dawn tih an hriat hian *sub-committee* hrang hrang indinin an inbuatsaihna a tha em em a, mikhual an lo dawnsawn danah mi an lo lawm thiamin, mi an ngaihsak em em a, zir tur tam tak kan chhar chhuak a ni.

Silver Jubilee lawmna

Silver Jubilee lawmnaah hian thupui *"Lalpa rinnaa zung kaih nghet deuh deuh turin"* (Kolossa 2:6-7) tih chu hman a ni a, inkhawm apiangin he thupui hmang hian thusawi ngaihthlak thin a ni a, inkhawm tan hma darkar chanve chhung hi *Praise & Worship* huna hman thin a ni. Ni 20 zan atangin *Silver Jubilee lawmna programme* hman a ni a, hemi zan hian a thlengtu kohhran atangin palai lawmna thu leh Pu Vanlalsawma (Ex-Pre., NEICCYA) hnen atangin *Jubilee lawmna/hawmna* thuchah ngaihthlak a ni.

Inrinni ni 21 chawhma dar 10-ah inkhawm leh a ni. Rev. W.C. Khongwir-a'n (Pre., NEICC) *Jubilee* a hawng a, Rev. Dr. J. Houplien Neitham (Ex-Pre., NEICCYA) chuan *Jubilee Souvenir* a tlangzarh thung. Pu P.C. Biakmuanpuia, Secy., *Silver Jubilee Org. Comt.*-in NEICCYA chanchin a sawi bakah hruaitu inhmelhriat-tirna leh hruaitu hluite chawimawina hun hman a ni

a, CKTP, *Mizoram Synod* aiawhin Pu Lalmuansanga'n (Fin. Secy., CKTP) *Silver Jubilee lawmpuina (memento)* a hlan a, Rev. W.C. Khongwir-a'n *Jubilee* thupui a sawi baw. Chawhnu leh zan hi *cultural programme* leh *musical night*-a hman a ni a, *Mizoram Synod choir*-te leh zaipawl dang zaite, hnam lam chi hrang hrang, solo bakah *SAY band party*-te'n hun an hmang baw a ni.

Pathianni, ni 22 chawhma dar 10-ah inkhawm leh a ni a, Rev. T.W Wanshong-a'n jubilee thupui a sawi bakah an pafain *'Isua neih ka duh zawk'* tih hla mawi takin an sa nghe nghe. *Mizoram Synod Choir* bakah kohhran hrang hrang atangin zaipawl 8 kan ngaihthla baw. Chawhnu lamah Rev. Stephen Chinzathang (Ex-Vice Pre., NEICCYA) hnen atangin jubilee thupui ngaihthlak leh a ni a, *Mizoram Synod Choir* bakah solo, zaipawl 7 leh *SAY Band*-ten hun an hmang baw. Zan lam inkhawmah hian Dr. David C. Vanlal-

fakawman (CKTP *comt. member leh Fin. Secy., NEICCYA*) ṭanna hun a hmang a, Rev. R. Lalnunzira (Secy., NEICC) hnen aṭangin *Jubilee* thuchah kan ngaithla a, lawm thu sawina Rev. Salem L. Hmar (Secy., NEICCYA) leh thlengtu kohhran hnen aṭangin kan ngaithla a, *Emidaca Kharshiing* (Secy., NEICCW) chuan lawm thu sawi ṭawngṭaina hun a hmang baw. Zaipawl hrang hrang, *solo, SAY Band-te* hnen aṭangin zai leh rimawi mawi tak tak kan ngaithla baw.

Belhna

NEICCYA Silver Jubilee lawmnaah hian palai 437 inziak lutin *Mizoram Synod* aṭangin palai 42 kan kal a, *Mizoram Synod Choir* hian hla wawi 4 (Mizo hla 3 leh Sap hla 1) an rem a, a lawmawm hle. *Jubilee* thupui sawitute thusawi ngaihthlak a nuamin, Lal Isua ringtute chuan ṭawngṭai hi kan ralthuam a nihzia te, Isua tel lova eng

mah kan nih lohzia te, Amah ringtu kan nihna hi khawvel siam chawp thilin a tihbuai tur a nih lohzia te, keimahniah Lal Isua hian rawngbawlina a chan ngheh theihna atan ṭan kan lak a pawimawhzia te kan ngaithla a ni. *Jubilee* lawm chhung hian Pathianni tih loh chu biakinah ruai an buatsaih ṭhin.

Haw kawng

Ni 23 (Thawḥṭan) zing dar 12:00-ah *Umpling Presbyterian Kohhran Biak In* kawtah innghak khawmin Upa K. Lalnunluanga, CKṬP *committee member* Pathian hnena a ṭawngṭai zawhin *Shillong* kan chhuahsan a, zing dar 6:20-ah *Silchar Mission compound* thlengin, tukṭhuan kan ei a, chhun dar 12-ah *Silchar* chhuahsanin tuang takin zan dar 7:30 khan Aizawl kan thleng a. Pathian hruaina leh min awmpuina zawng zawngah lawm thu kan sawi a ni.



MIZORAM SYNOD CHOIR



9774196355

➤ *Synod Choir* hi an zai thiam ka ti a, ka lo chhuang thin khawp mai. Chutih rualin hmasawna tur an neiha ka hriat ve khanglang chu, an zai laia hla thu mila hmel lantir (*Facial expression*) hi a ni. Hei hi anni chang lo, Mizorama zaipawl dangte pawhin kan mamawh vek niin ka hria.

- *Upa Prof. Lianzela, Venghnuai (Ex-CKTP Asst. Leader & Secy. PYF, ZEF Zaipawl)*

➤ *Synod Choir* hi an zai a nung a, Thlarau Thianghlimin a awmpui tih a hriata, an mit meng atangan an fel tih a hriat.

- *Zonunmawii, Biate 'N' Br.*

➤ Ram pum thalaiin kan ngaihsanrawn, rawngbawl na hahthlak leh hautak, ram pumin kan beisei erawh pha hlei thei meuh lo an ni. Tun ai hian an rawngbawl na huang zim hret se an rawngbawl na a nung deuh ang.

- *Lalramdinmawia Hringngen Aibawk Br.*

➤ *Synod Choir* hi an zai thiam a, an zai ngaihtlak a nuam thin hle mai.

- *Andrew Lalnunpuia Hlimen Dam Veng Br.*

➤ Mizoram *Synod Choir* hi Pathianin a khawngaih rawngbawl hna thawk tura a kohte an ni a, tute fak vang emaw, tute sawisel vang emawa danglam thin ni lovin, anmahni kotu koh chhan ang takin khawngaih rawngbawl hna hi chhunzawm zel thei se Lalpa'n hmanruaah a hmang reng ang, a tul a tih hunah chuan a chawisang ngei baw ang.

- *Upa H. Liantluanga Chhinga Veng*

(*CKTP Comt. 2008-2012, Director, Synod Choir 2010-2012*)

➤ Mizoram *Synod Choir* makna em em chu *Synod Choir* aw (*Voice*) a awm thei tlat hi a ni. Eng term pawh ni rawh se, hai rual lohvin *Synod Choir* zai a ni tih kan hre nghal zel thei. Mi hrang hrang, aw inang lo tak tak ni si, *Synod Choir* aw *uniformity* kan hmu zel thin hi a ropui hle. Hetiang hi khawvelah awm ve tak maw?

- *Lalsawmliana Hauhnar Hmuntha Br.*

➤ *Synod choir* hi an zai thiam ka ti ber. Mahse, hla lehlin an sa nasa mah mah em aw, ka lo ti. KHB-a mi hi sa tam se ka lo ti ve mai mai.

- *Lalchhanchhuaha
Kawnpui Chhim Veng Br.*

➤ *Synod Choir* hi ka hmuh dan chuan an zai thiam a, an zai nung lo thin deuh.

- *RCI Ralte,
Khanpui West Kohhran*

➤ Rawngbawlna hautak zet, inpekna ngai em em, ram chung leh pawna *Synod* hmel lanna pawimawh tak a ni. Mi zawng zawng fak hlawh erawh a har hle, *Synod* hnuaiia rawngbawlna peng hrang hrangah tangkai taka hman reng a ni a, an hma a zau em avangin thil pakhataha insawrbing theih loh. Tun aia changtlung hian *Synod* hian thuam se, TA/DA emaw, *honorarium* emaw tal hi pek theih ni se a duhawm khawp mai. Hmasawn zelin vul zel rawh se.

- *Upa Lallianmawia
Ramthar N
(CKTP Comt. 2010-2012,
Synod Choir member 2004-2006,
Conductor 2006-2008)*

➤ An zai thiam viau mai; mahse, duh aiin hla thlan an thiam lo deuh. Tuna mite an tha lo tihna ni lovin, Mizoram

Synod aiawh tur an nih avangin pawn lam lan dan thleng pawhin thlan uluk ni se. Rilrua cham vang vang thei hla an nei tlem.

- *Hrangkima
Ramthar North Br.*

➤ *Synod Choir* zai hi a mawiin a nung thin ka ti a, ka lo chhuang thei khawp mai. Mahse, tun hnaia mite hi an hla thlan a fuh taw lo nge, an tawngtai tam taw lo zawk, an zai a nung thei ta lo. Inen fiah nan hmang se. Thahnem ngaihpuia vanga rawn sawi ka ni e.


- *K.L. Remsiamia
Vaivakawn Kohhran*

➤ Zoram chhunga kohhran hrang hrang zaipawlte model chu *Synod Choir* te hi an ni. Thlarau lam inbuatsaihna pawh anmahni hun theuh zelah chuan bei ngawrh viau zel sela, an par vul zual ngei ang. An term a tawp hnuah pawh *Synod Choir* darthlang an la ni reng a ni tih theihnghil lo thin sela a tha awm e.

- *Jacob V.L. Malsawma
Falkawn Hmar Veng Branch*

➤ *Synod Choir* hmeichhe zai nui sang hmel pu hi hmuh an nuam. An nun mawizia an zai atangin a hriat theih baw.

- *Siamthara Siakeng
Bawngkawn Br*



KANTU

Chhingchhip Venghlun Branch

Ristian Thalai Pawl, Chhingchhip Venghlun Branch hi Mizoram lailia Bial hlun tak zinga mi, Chhingchhip Biala kohhran pathum zinga Bial thut hmun (Station) niin, Aizawl atanga chhim lam NH-54-in a paltlang, km. 83 chauhva hlaa awm a ni.

Kohhran danzawhkim 730 chhungah KTP member mipa 216 leh hmeichhia 132 awmin, an vaiin 348 an ni a. Kum 1956 September ni 10 khan din niin Golden Jubilee leh Diamond Jubilee hial pawh lo lawm thei tawh branch an ni. KTP member-zing atanga rawngbawltu nghet, Pastor, Upa, missionary eng emaw zat lo chher chhuak tawh an ni bawk.

Tunah hian an rawngbawlna tihhmasawna atan Group thumah insiamin, Abednegoa Group, Mesaka Group leh an member hmun hrang hranga

awmte tan; Kar Hla Group - Sadraka Group te an siam a. Hmun hrang hranga an member, eizawna avang te, zirna avanga awm bote rawngbawlna hmun khat siamin an phuar khawm a, hlawk an ti hle. Branch leh kohhran tan project an siam a, heng project-te hi Group-ten budget-ah siamin nasa takin an tuak thin a ni.

Branch hmalakna tanpui turin Committee peng hrang hrang an siam a, hlawk an ti hle. Chungte chu: Programme Sub-Committee, Decoration Sub-Committee, Ushering Sub-Committee, Light & Sound Sub-Committee, Evangelical Sub-Committee leh Refreshment Sub-Committee-te a ni. Thil entawn tlak tak pakhat chu – biak in zai hruai hi thalaiten sulsuin hmalakna peng pakhatan dah a. Hla hruai, hla hril training-te kohhranin a

buatsaihsak a. Hlawk an tiin kohhran pawhin hma a sawn phah hle.

KTP member in pumkhat nan hmeichhia leh mipa inkan tawn zan te an buatsaih a. Mizo in mikhual dan leh khawmpui mikhual in thlen angin, an member-puite in hrang hrangah zanriah te an ei darh thin a. Chu chuan in pumkhat leh zualna a thlen a. Branch dang pawhin ti ve se an duhsak hle. An kohhran chung a Pavalaite nen rawng-bawl na inchhim tawna programme te an buatsaih a. Hlimawm an tiin zawngchhang tlak an ti hle.

Biak in sa lai an nih avangin biak in sakna atan thalaiten tha an thawh hnem hle a, pawn lam mi ruai hauh lovin electric wiring te, rawng hnawih te, hna hautak zual zawng zawngte chu thalaite kut a ni tawp mai. Kawng engkima Kohhran Committee-pawhin a rin ngam danah hian thalaite inpekna nasatzia a lang a. Chu chuan KTP thiltum, "Kohhran kutke ni tura thalaite buatsaih" tih chu a takin an lantir a ni.

Kohhran zaipawl nung leh thiam tak an nei thei reng a.

Inkhawm ban apiangin hla an zir thin a, kohhran ni pawimawh leh hun bik ah hla thar mawi tak tak an rem thei reng a ni. Biak in hawnga nupui pasal nei an awmin lawmpuina atan thilpek an pek bakah zaipawl an zai ziah thin bawk.

Member hlate pualin tawngtaina an neih thin bakah an tlangnel nan programme hrang hrang an buatsaih thin a, Member inkhawm kim zan te, Solo Competition-te, Sport leh Group Nite-te an buatsaih thin. Hengte hian nasa takin an rawngbawl na a pui bawk. Tin, an member zirlai hlawhtlingte lawmpuina programme te buatsaih thinin, fuihna thu leh thilpek te an hlan thin.

Branch KTP hmingin kar tin Pathianni apianga chhuak chanchinbu, "KTP PALAI" an tichhuak reng a. Kohhran inhriat pawh tawna atan an hmang tangkai hle. Tin, Central KTP atanga kum puan zir tur te mumal taka zirna hun an buatsaih thin a. YRC, Hospital pual leh Chhawmdawl na atana budget siam te pawh theih ang tawkin an hlen bawk.



HRINGLANG TLÁNG

Mi huaisn kut- zungtang! ■ ■ ■ ■

Lawng bathlar tlak dal vuan chuan ka'n hawi vel a. Tuipuia tlai ni tla tur chuan ka kutzungtanga zungbun man to takte chu a rawn chhun tle ser ser a. Tlai thlifim varot raih mai chuan ka thawmhnaw mai ni lo, ka ngaihtuahna thleng chuan a chhem phe hlep hlep batok a.

Ka pa hi China atanga 'Silk' chaw lut thin sumdawng hlawhtling tak a ni a. Kei pawh hluma siam bungbel hmanga sumdawonna bul tan tum, China pan mek ka ni a. China siam hlum bungbelte hi khawthlang lamah hralh a kal viau chuan, rei lo teah mah ni kea ding thei, mi hausa tak ka ni mai dawn a ni.

"Tuipui hian Siamtu ropuizia a puang teh e," mi pakhat hian rawn tiin ka bulah a rawn ding ve a. Lungalhthei khura thawok ni awm tak hian a thumhnaw te chu a chuarin, a hmel a dawldang hle a. Ka lo nui satliah ve mai a. "Khaui lam nge i pan dawn?" a'n ti leh a. Kei chuan, "China lam. Nang zawok?" ka'n ti let ve a.

Ani chuan, "Missionary turin China-ah chuan kal ka tum a," a ti a. A kal tumna hmun kan zawok chian chuan, thil rapthlak tak hriat chhuah zawok ka nei a! Hman kum lawk khan China-ah chuan Ameri-

can missionary pakhat hi an man a. American mission board hnenah Pawisa tam tham tak mai a tlan chhuah nan an ngiat a. An hun tiam a pawisa an pe lo a nih chuan missionary kutzungtang chu pakhat te tein an tan chhum zel ang a, a tatopah an that dawn a ni. Mission board chu ni thum laia an tlai tak avang chuan missionary pawh chuan a kutzungtang pathum a chan hman tih te chu ka hrilh a.

"Kha ta tang khan i kal tumna hmunah chuan missionary tu mah an kal ngam tawh lo. Nang pawh ngaihtuahna thar seng la a va tha awm ve!" tiin ka rawn a. A nui sak a, mi chhan tuma a an ziau lai chuan Lawng captain chu lo kalin min rawn fin ve a.

Missionary chuan inthlahrun hmel tak hian, 'Inkawmna hun tha tak kan nei a, ka lawm e,' a ti a, kal tumin a inher a. Kei chuan, ' Kei pawh ka lawm e. Chibai le,' ka ti a. Ka kut ka phar chhuak a. Ani pawh chuan hlim hmel taka a kut rawn phar chhuakin ka kut a rawn vuan a. A kut ka hmer chu ka phu zawok mai. A kutzungtang chu pathum laiin a lo kim lo a!

"Kan Pathian, a rawng kan bawol thina chuan rawh tuina meipui ata min chhanchhuak thei si a.... Chuti lo pawh ni sela, aw lalber, i pathian rawng chu kan bawol dawn lo...." (Dan 3:17,18).

CHHEMDAM



9774196355

Q . Kristian Ṭhalai kan article ziah sa hi a soft copy-in min pe thei angem?

- Lalchhanchhuahi Bawitlung Electric Vengthang Br.

Chhanna - Article-te hi eng issue-a chhuak nge tih hriain KṬP Office-ah ngaihven theih reng a ni e.

Q. Kristian Ṭhalai Pawl General Conference vawi 57-na Programme, Report leh Agenda bu, phok 86-na leh agenda 6-na hrilhfiahnah hian General Conference rorel minute bu hi rorel palaite zawng zawng bakah Branch tin leh Bial copy tur pek vek ṭhin angin a inziak a. Mahse, a copy hi Branch leh Bial palai daih chauh min pe chhuak ṭhin si a. He lai hrilhfiahna hi chiang lehzuala min chhan theih chuan ka lawm hle ang.

- Lallawmthanga

Saihapi V Br., Phainuam Bial

Chhanna - Tun hma chuan a hranpaa thawn chhuah ṭhin a ni a, tunah erawh chuan General Conference leh Rorel Inkhawm neihna hmunah sem hman tura peih a nih ṭhin tak avangin Bial aiawh palaite hnenah Bial copy tur leh Bial chhung Branch tin copy tur KṬP Office aṭangin pek ṭhin a ni ta a ni. Bial tin hruaitute ngaihven tura hriattir ṭhin an ni bawk. Agenda hrilhfiahna hi a lo chiang tawk lo a ni e.

Q. Kristian Ṭhalai hi PDF file-a inpek dan hi a awm ang em

aw? Kristian Ṭhalai copy hi kan hmu ve phak lo va, tha leh zung theihtawp chhuaha KṬP tana lo hman ve tawh chuan chhiar hi a chakawm ṭhin lutuk a, a chhuah apianga chhiar ve theih ṭhin a chakawm hle mai.

- Ramthangliana Fanai Lucknow Mission Field

Chhanna : Kristian Ṭhalai chanchinbu i lo hlut ṭhin avangin kan lawm hle mai, KṬ chanchinbu hi man chawia member-ten kan lak a nih avang leh, Synod hnuaia lehkhabu man neia chhuah te hi a theih chin chinah pdf-a tihchhuah loh ni se tih thu ding lai a awm avangin hei hi KṬ chungchangah chuan zawm a ni. Chutih rual erawh chuan Branch-ten missionary pualin KṬ hi an laksak ṭhin a, Lucknow Field-ah pawh hian copy 25 thawn mek a ni a, ngaihven theih a ni ang.



Kumin chu Editorial Board in ṭang ṭlang hle niin a hriat a, a lawmawm hle mai. Hetianga mi nawlpuiina awlsam taka feedback kan neih theihna tura hma in han la hi a lawmawm hle mai. Thu ngaih-nawm leh hlawkpuiawm tak tak in chhuah zel theih nan duhsakna ka hlan a che u.

- Lalchhuansanga, Ramthar Bial

KṬ : Kan lawm e. Theihtawp i chhuah ṭlang zel ang aw!

Keimahni



❑ CKTP ORIENTATION CUM RETREAT

April 27 & 28, 2018 chhung khan Central KṭP hruaitu tharte (2018-20) chuan Synod Conference Centre-ah Orientation cum Retreat programme tluang takin an hmanḡ. April 27, 2018 (Zirtawpni) tlai dar 5:30-6:30 chhungin Session 1-na hman a ni a. Pu Rochungnunga, General Secretary-in a hruai a, Rev. Lazuithanga, Bawngkawnin thuchah a sawi a ni. Session 2-na hi zan dar 7:30-8:00 chhung hman a ni a, Upa Rosangliana, Asst. Leader-in a kaihruai a, Rev. Dr. K. Lallawmzuala, Leader-in thuchah a sawi. Session 3-na hi zan dar 8:00-9:00 chhunga hman a ni a, Upa Zonunmawia, Mission Vengin 'KṭP Kalphung Ṭhenkhat' tih chu paper buatsaihin a chhiar a, zawhna leh chhãna hun hman zui a ni. April 28, 2018 (Inrinni) zing dar 6:30-7:30 chhungin devotion hun hman a ni a, Rev. R. Lalhmingthanga, Moderator Elect (i/c Mission Veng Bial)-in thu a sawi a. Tukṭhuan ei kham, zing dar 9:30-ah Orientation programme hi zawh a ni.

❑ AVBD COMMITTEE MEMBER ATAN RUAT

Association for Voluntary Blood Donation chuan kum 2018-20 chhunga CKṭP aiawha Executive Committee member atan Pu Rochungnunga, General Secretary leh Tv. Robert Lalduhzuala, Committee Member-te an rawn ruat a. April 27, 2018 khan AVBD Executive Committee neih aṭangin an tel ṭan nghal.

❑ PCI GENERAL ASSEMBLY-AH KAL

May 3-6, 2018 chhunga PCI Biennial General Assembly, Haflong-a Fiangpui Kohhran (Biateram Synod)-a neihah Central KṭP aiawhin Upa Rosangliana, Asst. Leader; Pu Lalmuanawma, Finance Secretary; Tv. Robert Lalduhzuala, Comt. Member leh Tv. Lalrinmawia Ralte, Comt. Member-te an kal a; Rev. Dr. K. Lallawmzuala, Leader chu palai ni sa a ni a, Dr. Lalrotluanga, Treasurer chu PYF-a Peace & Justice-a Committee Member a nihnaah palai ni sa a ni bawk. CKṭP Leader,

Rev. Dr. K. Lallawmzuala hian May 4 & 5, 2018 (Zirtawpni leh Inrinni) zingah Bible Study hun a chang a, kan Leader-in hetiang dinhmun a chang hi a lawmawm hle.

❑ TUAL UPA ATAN THLANG

Pu Lalmuanawma, Finance Secretary chu May 13, 2018 (Pathianni) khan Kulikawn Vengthlang Kohhran Tual Upa atan thlan a ni.

❑ WALES AṬANGIN TLAWHTU

Kan Zosap missionary thlahte - Rev. Aneurin Owen (Zolawma) leh Dr. Owain Edwards (Lalrinpuia)-te chuan May 15, 2018 (Thawhlejni) khan Central KṚP Office an rawn tlawh a. Central KṚP hmgingin Synod Choir music video album 'Isu, ka hmangaih che' tih leh KṚP lapel pin pahnih ve ve pek an ni.

❑ SYNOD HOSPITAL LAWM THU SAWINA

CKṚP-in Grace Home cook rawih chhonzawm kan tum thu (CKṚP 711:IX) chu Synod Hospital, Durtlang hriattir a ni a. Synod Hospital aṭang hian cook rawih chhonzawm leh kan tum avanga lawm thu sawina lehkha kan dawng.

❑ NEICC ASSEMBLY-AH PALAI

May 17-20,2018 chhunga Nongstoin, Meghalaya-a New Nongstoin Kohhrana NEICC Assembly-ah CKṚP aiawhin Tv. K. Lalchhanhima, Committee Member chu a palai.

❑ *Champhai Kanan Branch Diamond Jubilee* : Kristian Ṭhalai Pawl, Champhai Kanan Branch chuan May 13 khan kum 60 an tlin an lawm a. Diamond Jubilee lawmnaah hian Pu Lalmuanawma, Finance Secy leh Upa K. Lalnuntluanga, Committee Member-te an kal. Pathianni chawhma inkhawmah Jubilee thupui "Ngaihdamna" tih chu Pu Lalmuanawma'n a sawi a, chawhnu inkhawmah Upa K. Lalnuntluanga'n thu a sawi bawk. He hunah hian NI. R. Vanlalthmingmawii, Kulikawn Vengthlang chuan zaia rawngbawlna a nei a, vawi thum dinah hla pali a sa. Chawhma inkhawmah hian Upa K. Lalnuntluanga'n Jubilee lawmpuina thilpek a hlan.

❑ *Chhingchhip Mualpui Bial KṚP Meet cum Leadership Training*: Ni 11-13, May 2018 chhunga Chhingchhip Mualpui Bial KṚP Meet cum Leadership Training, Buhkangkawn Kohhran Biak Ina neihah Tv. Ricky Lalrammawia Ralte, Asst.

Secretary leh Pu K. Lalengzama, Committee member-te an kal. Ni 12 May (Inrinni) nilengin Leadership Training hun hman a ni a, chawhmaah Tv. Ricky Lalrammawia Raltein hun hmangin, chawhnu lamah Pu K. Lalengzama'n hun a hmang bawk. Inrinni zan Pathian biak inkhawmah Pu K. Lalengzama'n Pathian thuchah a sawi a, Pathianni chawhma Pathian biak inkhawmah Tv. Ricky Lalrammawia Raltein Pathian thuchah a sawi a. Nl. Lalhriatpuii leh Tv. C. Lalremruata, Laipuitlang ve veten zaia rawngbawlina an nei bawk.

❑ **Buarpui Branch KṪP Tin Jubilee lawmna** : Ni 17-20, May 2018 khan Buarpui Branch KṪP Tin Jubilee (Kum 10 tlin) lawm a ni a. Jubilee mei dêtin, ruai ropui taka theh a ni. Ni 18.5.2018 (Zirtawp) zan fellowship-ah Pu Rorelkima, CKṪP Committee Member-in thu a sawi a. Ni 19.5.2018 (Inrinni) chawhma inkhawmah Tv. C. Malsawmtluanga'n Pathian thuchah a sawi bawk. Branch-te hian CKṪP Office atan Jubilee Souvenir leh Rs 2,000/- min pe a. CKṪP pawhin Jubilee lawmpui nan Souvenir 'Sulhnu' pein, an pawisa min pek Rs. 2,000/- hi Jubilee lawmpui nan kan hlân let leh a ni.

❑ **Synod Choir zinna**

1. April 26, 2018 khan Chanmari Kohhran Biak Ina NEICCWA-ah Synod Choir hian zaia rawngbawlin, hla pakhat an sa.

2. April 29, 2018 (Pathianni)-ah Chanmari Kohhranah zaia rawngbawlina hun an hmang a, hla pariat an rem. He hunah hian CKṪP Leader, Rev. Dr. K. Lallawmzuala'n thuchah a sawi.

3. May 2-6, 2018 chhunga Fiangpui Kohhran, Haflong-a PCI General Assembly-ah vawi 4 din chhuahah hla pali an sa a. Inrinni zan, Pathianni zingkar Lalpa Zanriah Sakramen, Pathianni chawhma inkhawm leh Pathianni zanahte an zai.

4. May 10-13, 2018-a Ramthar Veng Kohhran Biak Ina Synod Mission Board-in North East Region-a missionary-te puala intuaitharna hun a buatsaihah Synod Choir hian zaia rawngbawlina an nei a. Vawi hnih din chhuahah hla pahnih an sa.

5. NEICC-in May 17-20, 2018 chhunga New Nongstoin Kohhran, Nongstoin, Meghalaya-a inkhawmpui an neihah kalin, tum 4 din chhuahah hla pali an sa. Hei hi tun term-ten rawngbawlina an neih vawi 110-na chiah a ni.



Kantu – Chhingchhip Venghluu

CENTRAL K.T.P. HRUAITUTE 2018-2020

Office Bearers

Leader	: Rev. Dr. K. Lallawmzuala	9402551279
Asst. Leader	: Upa Rosangliana	9612166769
Gen. Secretary	: T.Upa Rochungnunga	9862658082
Asst. Secretary	: T.Upa Ricky Lalrammawia Ralte	9862387308
Treasurer	: Dr. Lalrotluanga	9436153937
Finance Secretary	: Pu Lalmuanawma	9436196515

Committee Members

Dr. David C. Vanlalafakawma	9436156561	Tv. Robert Lalduhzuala	9862368012
Tv. C. Malsawmtluanga	9862587200	T.Upa Lalsiammawia Pachuau	9862742440
Pu K. Lalengzama	7308187296	Upa K. Lalnunluanga	8974240614
Pu David Lahmachhuana	8415926838	Pu R. Lalbiakmawia	9612762602
Pu Rorelkima	9862266440	Tv. Benjamin Lalnunpuia	9862306526
Pu Lalrinchhana Ralte	9774365619	Pu P.C. Lalrinsanga	9436144233
Pu Malsawmtluanga	9612588677	T.Upa Lalrinmawia Ralte	9862359884
Pu Lalruatfela	9436705777	Tv. K. Lalchhanhima	9088933771
Upa Lalmuanpuia	9436142398		

Ex-Officio Members

Rev. F. Lalrinnunga	- Synod Moderator
Upa R. Dengzikpuia	- Synod Secretary (Sr.)
Rev. B. Sangthanga	- Executive Secretary i/c KTP

Postal Regn. no. MZR/81/2018–2020
RNI No. MIZMIZ/2009/29074



Champhai Kanan Branch Diamond Jubilee



Chhingchhip Mualpui Bial KTP Meet cum Leadership Training



Buarpui Branch KP Tin Jubilee lawmna

Printed and Published by Rochungnunga, Synod Office, Mission Veng on behalf of Kristian Thalai Fellowship.
Edited by Robert Laiduhzuala and printed at Synod Press, Mission Veng, Aizawl, Mizoram. Copies – 38,400